

Na osnovu člana 90. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog postupka nabavke putem direktnog sporazuma za pružanje usluga Press clipping-a, zaključen je:

## UGOVOR

### Između:

1. **Direkcije za evropske integracije, Sarajevo, Đoke Mazalića broj 5, koju zastupa direktor Edin Dilberović (u daljem tekstu: Ugovorni organ)**
- i
2. **Kliping BH d.o.o. iz Sarajeva, ulica Azize Šaćirbegović broj 98, koju zastupa direktor Sean Ćorović (u daljem tekstu: Pružalac usluga)**

### Član 1.

- 1) Ovim Ugovorom ugovorne strane su se sporazumjele da će Pružalac usluga, tokom cijelog ugovorenog perioda, pružati usluge Press clipping-a, za potrebe Ugovornog organa, po ukupnoj cijeni ponude u iznosu od 5.400,00 KM bez PDV-a.
- 2) Ugovorena mjesečna cijena za usluge, koje su predmet ovog Ugovora, iznosi 450,00 KM bez PDV-a.
- 3) Sastavni dio ovog Ugovora je Ponuda Pružaoca usluga od dana 27.04.2020. godine.

### Član 2.

- 1) Pružalac usluga se obavezuje da će vršiti dostavu objedinjenih medijskih objava svakog radnog dana do **9.30 sati** na listu e-mail adresa Ugovornog organa.
- 2) Pružalac usluga se obavezuje da dokument objedinjenih medijskih objava može biti maksimalne veličine 5 MB.
- 3) Medijske objave monitorisane tokom vikenda (subotom i nedjeljom), neradnim danima i praznicima, Pružalac usluga dostavljać će prvog narednog radnog dana.
- 4) Pružalac usluga obavezan se da će dostavljati objedinjene medijske objave sa sljedećim podacima: naziv medija, izdanje/emisija, datum i autor. Za štampane medije potrebno je navesti broj stranice objave, a za elektronske medije (radio i tv) **vrijeme (minutu) objave u okviru emisije.**
- 5) Pružalac usluga se obavezuje da će dostavljeni skenirani novinski članci **biti čitki**. Prilozi elektronskih medija dostavljenih u okviru objedinjenih medijskih objava će biti u .wmv, .mp3 ili .wma formatu.
- 6) Pružalac usluge Ugovornom organu će omogućiti pristup arhivi medijskih objava štampanih medija, kao i audio i video priložima posredstvom internet platforme upotrebom korisničkog imena i lozinke. Arhiva objava štampanih medija Ugovornom organu na internet platformi mora biti dostupna 7 dana u sedmici, 24 sata dnevno za cjelokupno vrijeme trajanja ugovora.

### Član 3.

- 1) Pružalac usluga se obavezuje na dnevno praćenje sljedećih medija:

<b>LISTA MEDIJA</b>
<b>ŠTAMPANI MEDIJI</b>
Dnevni avaz
Dnevni list
Euro Blic (BiH)
Glas Srpske
Nezavisne novine
Oslobođenje
Večernji list (izdanje za BiH)

<b>SEDMIČNE I PETNAESTODNEVNE NOVINE</b>			
Dani			
Stav			
Start			
<b>ELEKTRONSKI MEDIJI</b>			
<b>R.b.</b>	<b>TV</b>	<b>EMISIJA</b>	<b>EMITOVANJE</b>
1.	FTV	Dnevnik 2	19:30
2.	RTRS	Dnevnik	19:30
3.	RTRS	Magazin „EU i mi“	svakog drugog ponedjeljka u 15:55 sati
4.	BHT1	BHT Vijesti	19:00
5.	BHT1	Euroimpuls	četvrtkom nakon 20:00 sati
6.	NTV Hayat	Vijesti u 7	19:00
7.	TV 1	Dnevnik TV 1	19:30
8.	RTRS – Radio	Dnevnik	16:00
9.	Radio Slobodna Evropa	Na vratima Evrope	nedjeljom u 15:05
10.	BH Radio 1	Dnevnik	16:30
11.	Radio Federacije BiH	EU integracije	svakog drugog utorka u 16:00
12.	Radio Federacije BiH	Vijesti u 5	17:00
13.	Al Jazeera	Vijesti	18:00
14.	N1 TV	Dnevnik	19:00
<b>INTERNET PORTALI</b>			
klix.ba			
bljesak.info			
faktor.ba			
fokus.ba			

2) Pružalac usluga se obavezuje da prati, obrađuje i dostavlja medijske objave po zadanim niženavedenim ključnim riječima:

1. Evropska unija
2. Vijeće Evropske unije
3. Evropski parlament
4. Evropska komisija
5. Sporazum o stabilizaciji i pridruživanju
6. Kandidatski status
7. Mišljenje Evropske komisije
8. Evropske integracije (samo u kontekstu članstva u EU)
9. Instrument pretprijetne pomoći (IPA)
10. Direkcija za evropske integracije BiH
11. Edin Dilberović

3) U slučaju da dođe do promjene jedne od gore navedenih ključnih riječi Pružalac usluga se obavezuje da po pisanom zahtjevu dobijenom od strane Ugovornog organa, o novoj zadatoj ključnoj riječi, bez naknadnih troškova nastavi da pruža predmetne usluge.

4) Za mjesto pružanja usluga predmeta nabavke ugovara se adresa Direkcija za evropske integracije, Sarajevo, Đoke Mazalića broj 5, Sarajevo.

#### Član 4.

Pružalac usluga se obavezuje da će usluge izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršenih usluga.

#### Član 5.

- 1) Pružalac usluga se obavezuje na nepromjenljivost ponuđenih cijena tokom cijelog ugovorenog perioda.
- 2) Pružalac usluga se obavezuje da će, Ugovornom organu, po isteku mjeseca za izvršene usluge iz člana 1. ovog Ugovora ispostavljati mjesečnu fakturu.
- 3) Ugovorni organ će plaćati ispostavljene fakture za izvršene usluge propisanim platnim nalogom za plaćanje u roku od 15 dana od dana dostave fakture.

#### Član 6.

Ovaj Ugovor se zaključuje na period od 12 mjeseci, a stupa na snagu sa danom 13.07.2020. godine.

#### Član 7.

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

#### Član 8.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.

#### Član 9.

Na ostala prava i obaveze ugovornih strana, koje nisu regulisane ovim Ugovorom, će se primjenjivati odredbe Zakona o obligacionim odnosima.

#### Član 10.

Ovaj Ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka, za svoje potrebe.

PRUŽALAC USLUGA

Direktor  
Sean Čorović

Broj: 021 05/2020

Datum, 21.05.2020.

